

517.

Na osnovu člana 20. tač. 3. i 4. u vezi sa čl. 16. i 23. Zakona o Saveznom savjetu za koordinaciju naučnih djelatnosti i o Saveznom fondu za financiranje naučnih djelatnosti (»Službeni list SFRJ«, br. 16/65), Upravni odbor Saveznog fonda za financiranje naučnih djelatnosti raspisuje

NATJEČAJ ZA DAVANJE SREDSTAVA ZA INVESTICIJE

1. Savezni fond za financiranje naučnih djelatnosti (u daljnjem tekstu: Fond) davat će, pod uvjetima predviđenim ovim natječajem, sredstva za financiranje nabavke opreme za naučnoistraživačku djelatnost.

2. Na natječaju mogu učestvovati: instituti i druge samostalne naučnoistraživačke organizacije, privredne i druge organizacije koje u svom sastavu imaju naučnoistraživačke jedinice, kao i fakulteti, visoke škole, odnosno univerziteti za naučni rad u okviru postdiplomskih studija.

3. Zahtjev za davanje kredita podnosi se Fondu i sadrži:

1) kratak prikaz tekućeg i perspektivnog programa naučnoistraživačkog rada;

2) osnovne podatke o stanju tehničke opremljenosti;

3) objašnjenje o funkciji opreme koja se traži u realizaciji perspektivnog programa;

4) prikaz stanja naučnog i stručnog kadra, sa osvrtom na dosadašnje rezultate rada na istraživačkim problemima i suradnju sa drugim institucijama;

5) proračun troškova s odgovarajućom dokumentacijom;

6) podatke o ponuđenom učešću u troškovima financiranja i dinamici realizacije nabavke opreme.

4. Dokumentaciju iz tač. 3. i 9. ovog natječaja podnosioci zahtjeva sastavit će prema uputstvu, koje će im na njihov zahtjev dostaviti Fond.

5. Sredstva iz tačke 1. ovog natječaja davat će se kao kredit po kamatnoj stopi od 3% godišnje i sa rokom vraćanja do 10 godina, s tim da u troškovima financiranja podnosioci zahtjeva učestvuju vlastitim sredstvima odnosno sredstvima iz drugih izvora s najmanje 50% od proračunske vrijednosti nabavke, osim za namjene iz tačke 8. ovog natječaja.

6. Prioritet za dobivanje kredita imat će podnosioci zahtjeva:

1) čija naučna djelatnost odnosno čiji perspektivni program razvoja obuhvaća istraživačka područja i probleme od veće važnosti za društveno-ekonomski razvoj i razvoj nauke;

2) koji raspolažu naučnostručnim kadrovima za realizaciju perspektivnog programa naučnoistraživačkog rada;

3) čiji perspektivni program može biti realiziran u kraćem roku i koji traže relativno manja sredstva, a nude veće učešće u troškovima financiranja;

4) koji nabavljaju opremu kojom se pridonosi razvoju naučnoistraživačkih kapaciteta u nedovoljno razvijenim republikama i u nerazvijenim oblastima nauke.

7. Podnosioci zahtjeva kojima budu dani krediti podnose, na zahtjev Fonda, garanciju na iznos kredita, kao i drugu dokumentaciju koju odredi Fond.

8. Po ovom natječaju davat će se sredstva bez obveze vraćanja za nabavku opreme potrebne za naučni rad u okviru postdiplomskih studija kao učešće Fonda od 50% od utvrđenog proračunskog iznosa.

9. Zahtjev za dobivanje sredstava za namjene iz tačke 8. ovog natječaja podnosi se Fondu i sadrži:

1) kratak prikaz programa naučnog rada u okviru postdiplomskih studija po smjerovima;

2) prikaz stanja naučnog i nastavnog kadra koji će učestvovati u organiziranju određenih smjerova postdiplomskih studija;

3) osnovne podatke o stanju tehničke opremljenosti i objašnjenje funkcije opreme koja se traži u izvršavanju programa naučnoistraživačkog rada u okviru postdiplomskih studija;

4) proračun troškova s odgovarajućom dokumentacijom;

5) podatke o ponuđenom učešću u troškovima financiranja i dinamici realizacije nabavke opreme.

10. Zahtjeve za namjene iz tačke 8. ovog natječaja zainteresirane organizacije podnose Fondu, preko univerziteta, koji predlažu prioritet i daju odgovarajuća obrazloženja Fondu.

11. Na utvrđivanje prioriteta i donošenje odluka Fonda o davanju sredstava utjecat će:

1) ostvareni rezultati i ocjena potrebe novih tečajeva postdiplomskih studija;

2) stanje tehničke opremljenosti institucija koje traže sredstva;

3) kadrovske mogućnosti u vezi s organizacijom postdiplomskih studija.

12. Zahtjevi za davanje sredstava po ovom natječaju podnose se Fondu u roku od 45 dana od dana objavljivanja ovog natječaja u »Službenom listu SFRJ«.

Br. 2440/1

Beograd, 17. listopada 1968.

Savezni fond za financiranje naučnih djelatnosti

Direktor, Radivoje Raičević v. r.	Predsjednik upravnog odбора, Kemal Tarabar, v. r.
---	--

Po izvršenom sravnjenju sa izvornim tekstom utvrđeno je da se u tekstu Odluke o povećanju carinskih stopa za uvoz određenih proizvoda, objavljenom u »Službenom listu SFRJ«, br. 8/68, potkrala niže navedena greška, te se daje

I S P R A V A K

ODLUKE O POVEĆANJU CARINSKIH STOPA ZA UVOZ ODREĐENIH PROIZVODA

U tački 1. umjesto riječi: »70.05 tač. 1. i 2,« treba da stoji: »70.05 tačka 2,«.

Iz Saveznog izvršnog vijeća, Beograd, 23. listopada 1968.

Po izvršenom sravnjenju sa izvornim tekstom utvrđeno je da su se u tekstu Odluke o povećanju carinskih stopa za uvoz određenih proizvoda, objavljenom u »Službenom listu SFRJ«, br. 30/68, potkrale niže navedene greške, te se daje

I S P R A V A K

ODLUKE O POVEĆANJU CARINSKIH STOPA ZA UVOZ ODREĐENIH PROIZVODA

U tački 1. u odredbi pod 3 umjesto riječi: »48.15 tač. 1, 2, 3, 4, 5,« treba da stoji: »48.15 tač. 1, 2, 3. i 4.«, umjesto riječi: »48.21 tač. 1, 2, 3, 4, 5. i 6,« treba da stoji: »48.21 tač. 2, 3, 4, 5. i 6,«, a umjesto riječi: »49.11

tač. 2. i 3. pod b), i tačka 5,« treba da stoji: »49.11. tač. 2. i 3. pod b),«.

Iz Saveznog izvršnog vijeća, Beograd, 23. listopada 1968.

Po izvršenom sravnjenju sa izvornim tekstom, utvrđeno je da su se u tekstu Odluke o uvozu u 1969. godini robe čiji je uvoz uvjetno slobodan, objavljenom u »Službenom listu SFRJ«, br. 43/68, potkrale niže navedene greške, te se daje

ISPRAVAK

ODLUKE O UVOZU U 1969. GODINI ROBE ČIJI JE UVOZ UVJETNO SLOBODAN

1. U tački 10. stav 1. u prvoj rečenici iza riječi: »uvoz robe« treba dodati riječ: »za«.

2. U tački 15. umjesto riječi: »omogućena« treba da stoji riječ: »onemogućena«.

Iz Saveznog izvršnog vijeća, Beograd, 22. listopada 1968.

Po izvršenom sravnjenju sa izvornim tekstom utvrđeno je da su se u tekstu Pravilnika o zaštiti na radu u građevinarstvu, objavljenom u »Službenom listu SFRJ«, br. 42/68, potkrale niže navedene greške, te se daje

ISPRAVAK

PRAVILNIKA O ZAŠTITI NA RADU U GRAĐEVINARSTVU

U članu 22. u drugom redu umjesto riječi: »postojećeg« treba da stoji: »stojećeg«.

U članu 87. stav 3. umjesto riječi: »nosačke« treba da stoji: »nosače«.

U članu 117. stav 1. u drugom redu umjesto riječi: »pregledane« treba da stoji: »pregledno«.

Iz Saveznog savjeta za rad, Beograd, 22. listopada 1968.

ODLIKOVANJA

PREDSJEDNIK SOCIJALISTIČKE FEDERATIVNE REPUBLIKE JUGOSLAVIJE

na osnovu člana 217. tačka 4. Ustava Socijalističke Federativne Republike Jugoslavije i člana 4. Zakona o odlikovanjima odlučuje da se povodom šezdesetogodišnjice života, a za naročite zasluge u stvaranju i razvijanju Socijalističke Federativne Republike Jugoslavije odlikuje

ORDENOM NARODNOG OSLOBODENJA

Vilfan dr Joža.

Br. 110
Beograd, 1. srpnja 1968.

Predsjednik Republike,
Josip Broz Tito, v. r.

SADRŽAJ:

	Strana
505. Zakon o izmjenama i dopunama Zakona o Tarifama saveznog poreza, na promet — —	913
506. Uredba o posebnim uvjetima za vršenje poslova administracije u saveznoj upravi i o stručnom osposobljavanju i usavršavanju radnika koji vrše te poslove — — — —	913
507. Odluka o uvjetima i načinu plaćanja izvoza i uvoza robe u okviru određenih međunarodnih sajamskih kompenzacionih aranžmana — — — — — — — — — —	916
508. Pravilnik o normama kvaliteta i drugim uvjetima za stavljanje u promet šumskog sjemena i o jedinstvenoj metodi za vršenje analize šumskog sjemena — — — — —	916
509. Pravilnik o normama kvaliteta i drugim uvjetima za stavljanje šumskog sadnog materijala u promet — — — — — — — —	920
510. Pravilnik o uvjetima za priznavanje šumskog sadnog materijala — — — — — — — —	922
511. Pravilnik o dopuni Pravilnika o metodi i postupku za priznavanje novostvorene sorte sjemena poljoprivrednog bilja — — — —	924
512. Naredba o izmjeni Naredbe o određivanju žigovine koja se plaća za ispitivanje i žigosanje predmeta od dragocjenih metala — —	924
513. Naredba o popisu robe za koju se mijenjaju stope saveznog poreza na promet i o načinu obračunavanja i uplaćivanja tog poreza — — — — — — — — — —	924
514. Naredba o izmjeni i dopuni Naredbe o visini posebne pristojbe pri uvozu pojedinih poljoprivrednih i prehrambenih proizvoda — — — — — — — — — —	925
515. Uputstvo o izdavanju viza od strane organa unutrašnjih poslova u republici nadležnih za kontrolu prelaženja preko državne granice — — — — — — — — — —	926
516. Dopune Liste domaćih i odomaćenih stranih sorti sjemena poljoprivrednog bilja — —	926
517. Natječaj za davanje sredstava za investicije — — — — — — — — — —	927
Ispravak Odluke o povećanju carinskih stopa za uvoz određenih proizvoda — — — — —	927
Ispravak Odluke o povećanju carinskih stopa za uvoz određenih proizvoda — — — — —	927
Ispravak Odluke o uvozu u 1969. godini robe čiji je uvoz uvjetno slobodan — — — — —	928
Ispravak Pravilnika o zaštiti na radu u građevinarstvu — — — — — — — — — —	928

Izdaje Novinska ustanova »Službeni list SFRJ«, Beograd Jovana Ristića 1 Pošt. pretinac 226.
— Direktor i odgovorni urednik Ljubodrag Đurić, Ulica Jovana Ristića br. 1 —
Tisak Beogradskog grafičkog zavoda, Beograd, Bulevar vojvode Mišića 17